



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail: tiryimym@gmail.com

TAPAK 8

Yangia anidakangma :

f Tir Yimym

ig tir_yimym

yt tir yimym

TAPAK 3

Federer US Open mapang exhibition asaya ka nung shilem agitsü

Sitapur nung 250 MW solar project amenoktsü Rajnath-i agizükogo



Abhijeet Dipke

VOL. XXIII ISSUE NO. 237 (ADOK 237) DIMAPUR RASEMNÜ (WEDNESDAY) AMMI (JUNE) 10, 2026

₹ 5.00

HE & TE tsungda MoU sign sütep

Kohima, June 9, 2026 (TYO): Directorate of Higher Education aser Directorate of Technical Education, Government of Nagaland tsungda Memorandum of Understanding (MoU) ka nung sign sütego.

Nagaland nung higher education institutions nung skill-based aser vocational education agütsütsü atema MoU sign asü.

Iba tesentaktep ajanga kaketshirtem nem resource sharing, capacity building, certification mechanisms, aser enhanced employability opportunities agütsütsü.

Iba MoU kübok Artificial Intelligence (AI), Convergence Technologies, aser tanga skill-oriented programmes dena

industry den putepba course tem agitsü.

Technical Education ajanga Higher Education kübok college tem nem technical expertise, infrastructure, skilled manpower, aser institutional resources agütsütsü. Polytechnic institutions aser tanga designated centres ajanga training programmes agitsü.

Iba tesentaktep ajanga higher education ecosystem nung skill aser vocational courses sendakteper aser kaketshirtemi industry nung nungdakattem angazüktsü.

Higher Education aser Technical Education külemi yaritepa Nagaland nung tarutsü putu anitetsü meranger.

Küm 10 tashi PMSMS ajanga mashisa tetsür aika yaria arur

Dimapur, June 9, 2026 (TYO): Pradhan Mantri Surakshit Matritva Abhiyan (PMSMS) tenzüker June 9, 2026 nü küm 10 abensaogo.

Ministry of Health & Family Welfare (MoHFW), Government of India ajanga PMSMS tenzüker aser iba ajanga mashisa tetsürtem nem fixed-day, assured, comprehensive aser quality antenatal Care Services agitsür.

Nagaland nung Health & Family Welfare Minister P Paiwang Konyak-i iba anogomung tenzüksüadang "Nagaland nung küm ter süia arudang doctors aser gynaecologists-i tetsütem parnok dangi arutsü ata maliasü" ta ashi.

Tetsü shinga meyarri meyutsütsü atema specialists-i critical health facilities (PHCs/CHCs) sema senzü. Gynaecologists-ia National Health Mission ajanga portable ultrasound bener tesem balala sema senzüogo ta Minister Paiwang-isa ashi.

"Nagaland nung küm ter

tsungda PMSMA sessions agia arudang mashisa tetsü 23,000 tema nem antenatal care agütsüogo aser tongtipangsa high-risk pregnancies 2303 jangjatet aser jelia treatment agütsü" ta paisa ashi.

Specialist, Doctors, Nurses, ANMs, ASHAs kanga meranga inyakba ajanga iba scheme takok ngua inyakteter. Asenoki iba alizung atongba atema pelatepdang, tetsü teimba yaritsü asoshi tenangzükba agishidi ta Minister Paiwang-isa metetdakttsü.

Paisa Nagaland nung küm ter PMSMA maparen inyaka aruba indang video tatsü ka sayatsü.

Pradhan Mantri Surakshit Matritva Abhiyan (PMSMS) ya ita shia anogo 9 buba nung amunger aser iba anogo nung specialist-i anir antenatal care services agütsür. Iba ajanga linük ajungalen maternal healthcare tajungba kümogo.

Kümtem süia arudang PMSMA ajanga High-Risk Pregnancies (HRPs) jelia jangjar

aser anepalur. Iba ya specialist consultations, enhanced diagnostic services aser referral linkages ajanga yarir.

Extended PMSMA (e-PMSMA) kübok department-i jangjateta aliba HRPs name-based tracking aser follow-up asür.

Küm 10 abensaoba tenung nung tanü linük ajungalen Special PMSMA session ka agiogo. Iba ya PMSMA facilities den Public Health facilities nung specialist ajanga agia liasü. Iba dak alia tan June ita PMSMA days (under Extended PMSMA) nung ayongzuka agitsü.

Nagaland nung tang designated Health Units 60 nung PMSMA facilities agütsür. Iba nung District Hospitals, CHCs, PHCs aser HWCs dena lir.

Maneni, Nagaland nung Health & Wellness Centers (HWCs) 336 nunga services agütsür aser HWCs-i nungdaktang eSanjeevani- National Telemedicine Service ajanga tele-consultation agütsütsü.

DENSU-i temeten mangu tashi bushitsü nenshir



Dimapur, June 9, 2026 (TYO): Tanur tetsür ka dak tashiyim agi shi nung medemba atema tai tongloka alir nisung asem apuba ajanga ken o metembanger saka iba ajanga onoki temeten bushiba mapa tenzüker ta Dimapur Eastern Nagaland Students Union (DENSU)-i metetdakttsüogo.

June 9, 2026 nü Dimapur Town Hall nung sentong ka agiba sülen DENSU lennirtemi osangbener den jembidang iba ya ashi.

Tang ang rara tenzükogo aser onoki temeten mangu tashi noktaksü. Iba movement ya tanutsüla atema dang masü saka kasa tia ajuruba aser tetsübu agi ola madokteti aliba tanga tetsürtem asoshi lir ta DENSU ketdangpurtemi ashi.

"Onoki tanü Eastern tanutsür ka atema dang masü saka Naga tanur shia atema noktaker. Tanü tanutsüla nem temeten magütsür onoki ozüng amertem dak kodanga tamang makatsü" ta parnokisa ashi.

Tanutsüla indang maitsü metetdakja record asüba aser video prokshirtem dena iba ken o nung sendaktepa alir ajak

ozüng tapet agi merenshitsuä ta DENSU-isa takhangba agütsüogo.

Iba ken o atema SIT team tentetba atema pelar saka iba ya district level nung masü saka state level nung asütsüla. Nagaland DGP-i indangindanga investigating officer reprangtsüla aser iba amaji meinyak tashi onoki rongshitsü ta parnokisa metetdakttsü.

Onoki DGP Nagaland nem memorandum ka nung takhangba onüktem agütsüogo ta DENSU ketdangpurtemisa ashi.

Iba sentong nung adentsü asoshi adenshiba kaketshirtemi onok ashioktsü ama bilemer kechiyong bilemba ama sentong magi ta DENSU ketdangpurtemisa ashi.

Ajisüaka, NNF-i ashiba agi iba sentong ya Nagaland NGO Forum (NNF)-i Nagaland Schools' Alliance (NSA) den yaritepa ayongzük.

Onoki telok shinga madak meinyaker. Onok raratsü atema masü saka awareness sayutsü atema adenshi. Onok shinga nem-a manidaktsütsü aser kaketshir teloki jashia mebilemstüla ta NNF lennirtemi ashi.

Nagaland nung Census 2027 atema renemshir

Dimapur, June 9, 2026 (TYO): June 9, 2026 nü Press Information Bureau (PIB) kübok Inter Media Publicity Co-ordination Committee senden ka menogo.

Iba senden ya Akashvani Office, Kohima nung amen aser Census Operations Nagaland Director, Dr. Keneilhoutuolie Miachieo, IFS ajanga Census

2027 maparen indang lemsatetep.

Census 2027 meinyakdang state ajungalen awareness campaign ka tenzükogo aser iba ya household coverage tejangja asütsü nukjidong nung inyaker ta Dr. Keneilhoutuolie-i ashi.

Nagaland nung July 1 nungi July 30, 2026 tashi House Listing Operation inyakttsü aser June 16 nungi June 30 tashi Census portal

nung self- enumeration asütsü ta Census ketdangsurtemi ashi.

Census 2027 atema enumerators aser supervisors 6,100 tema mapa lemezüktsüogo ta parnokisa ashi.

Public-i shilem agidakttsütsü ajungmesotsü atema print, radio, television, social media aser local dialect broadcasts ajanga state wide publicity campaign agitsü.

Anogo 27 sülen Manipur nung Kuki civilians 14 chiokogo

Imphal, June 9, 2026 (Agencies): May 13, 2026 nungi Kuki civilian 14 pur ayuba tanü Mongulbarnü Senapati district headquarters nung chiokogo aser parnok ajak ketdangpur ket nung agütsüogo.

Senapati district nung civil society organisations (CSOs) ajanga olemtepa arur June 9, 2026 nikongdang 3:36 ako meta parnok chiokogo. Ajisüaka, tang tashi Kuki teloktemi pua aliba Naga civilians 14 indang tia memetet lir.

Senapati nung amenoka aliba CSOs ajanga Taphou Kuki village chief ket nung Kuki nung 14 agütsüogo. Parnok ajak temang shitak dang lir ta CSOs ajanga metetdakttsüogo.

Senapati Police, Central Armed Police Forces (CAPF), Assam Rifles aser district administration ketdangsurtemi lia parnok chiok.

Parnok anogo 27 tashi Naga village guards ket nung ayu aser iba mapang parnok kanga junga anepaluogo ta chiokertem rongnungi Paotinkai Chongloi-i ashi.

Parnok nem chiyungtsü, süoshi, sü tabentsü aser tanga nungdakattem agütsü aser

temang nung timtem kecha majuru ta Chongloi-isa ashi.

Parnok chiokba ya tatemzükba kecha maliba humanitarian gesture ka lir aser iba ajanga state nung tensa süngiemtsü imlar ta paisa shisem.

Tanü chiokertem ya Thangtinlen Chongloi, Paotinkai Chongloi, Lunsei Chongloi, Kaimang Chongloi, Hengunsei Chongloi, Luntinlal Chongloi, Tonggoulen Chongloi, Sehginlun Chongloi, Schminhao Chongloi, Paogoulhang Chongloi, Haominlun Kipgen, Lamgoulen Kipgen, Thanglemang Chongloi aser Thangminlen Chongloi nung lir.

UNC nung executive member kati ashiba agi humanitarian grounds nung ajemdaker parnok chiok aser iba ajanga Naga nungeri sobaliba tesayuba, war ethics sülen anidakba, international law akhümtsübuba aser human rights kümzuka ayutsü tenangzükba sayur.

Union Home Minister Amit Shah-i Nagaland Chief Minister dang Naga nung 6 pua aliba bushitsü nangzuka liasü. Ano, Christian teloktem aser

Meghalaya Chief Minister nungeri mepishiba agi pua alirtem chioktsü telemetba agi ta UNC tanishir kati ashi.

Manipur sorkari Naga nung 6 trok tia metetsü atema mapa inyakdar ta onok dang shiogo ta paisa shisem.

Manipur Chief Minister Yumnam Khemchand Singh-ia nisung 14 timi chiokba pelaa agizükba metetdakttsüogo.

Manipur nung tang tayongzükba jenti ajurua aliba mapang ka iba ya mapa tajung aser humanitarian mera ka lir ta CM Khemchand-i ashi.

Parnok chioktsüsa mapa inyakba kija aser sendaktepa alir ajak nem tenüngsang agütsür. Talisa Naga civil society groups-i shilem tulu agiba atema pelar ta paisa ashi.

Naga nungeri inyakba mapa ajanga aria bilemba, tebilemstü khuret abenba aser meimchir taküm asoshi süoki ia bilemba kuli sayur. Ibala mapa ajanga mepetmesü mapang temulung lemtepa adokdakttsür aser meimchir tangatetba kanga tongtipang ta asüba sayur ta CM Khemchand-isa metetdakttsüogo.

Kohima district Enumerator aser Supervisor training tenzükogo



Kohima district Enumerator aser Supervisor training agiba mapang tangokba noksa angur.

Dimapur, Aami/June 09 (TYO): Census of India 2027 indang Phase-I kübok Enumerators aser Supervisors asoshi training sentong Kohima district ajunga nung June 9, 2026 nü tenzükogo aser June 11, 2026 tashi alitsü.

Anogo asem training mapang census nukjidong, tzüzüing ozüing, house Listing Block boundaries, layout maps yangluba aser House Listing Operation (HLO) Mobile App amshiba indang sayutsü. Shilem agirtem nem data bendenba, verification, pei sasa tenüing agütsüba aser data security measures indang angazükdaksütsü.

Practical sessions mapang mobile app amshia data entry asüba, aibelen putetba, kiboksem yimya, census nung tenüing agütsütsü memulunger den jembiba aser communication protocols indaga sayutsü. Training tembanga role-play exercise alitsü, Seva Bhaav Pledge aser osettsüset lema agütsütsü.

Charge clusters balala awajema batches pezü lemsar training ya agütsür, kong DIET

Chiechama nung Chiephobozou Rural, Chiephobozou Town aser Botsa charge nungi training agir nisung 43 nem field trainers Alemsonglia Jamir aser M. Ruthla Sangtam nati training agütsür.

Tanabuba batch ya Sechü-Zubza, Jakhama aser Kezocha charge clusters nungi training agir nisung 47 asoshi lir, koba DPDB Hall nung Anisha Himb aser Ketoriavi Sakhrie nati ketdangüsü agütsü.

EAC Kezocha, Zerutso Kesiezie-i training nung shilem agirtem dang temulung agüja adentsü ayongzük aser parnok mapa ya sorkari sentong balala yangluba nung amshitsü ta ashi.

Pai trainerer agirtem dang census operation nung shilem agiba ya linük tesem ajunga nung tongtipang inyakyim nung yaritepsü asoshi maongka ka ama agütsü ayongzüka liasü.

Deputy Commissioner, Kohima indang Conference Hall nung Kohima Sadar (Rural) aser Kohima Sadar (Statutory Town) nungi trainees 49 nem Dr. Keduolhoulie Belho aser Dr. Medongulie Tsiekhanuo nati

training agütsütsü.

Iba tesem nung training agirtem den EAC Kohima, Khriethozo Pfükri-i jembidang, census ya Census Act, 1948 kübok linük asoshi tongtipang inyakyim ka lir, ta ashi. Census ya 2021 nung agütsü liasü, saka COVID-19 pandemic mechi thinen aser tang phase ana nung agütsü ta metetdaksü.

Pfükri-i House Listing Operations ya July 1-31, 2026 mapang ahitsü aser Population enumeration ya February 2027 nung agütsü lir ta ashi.

Census mapa ya pei official mapa den külemi inyaksü alinungji, pai shilem agirtem dang training mapang amalitep akatsü aser shilem agütsü ayongzüka liasü.

DRDA Hall nung trainers Thejakielie Meyase aser Savilie Yhor na kübok Kohima Sadar (Statutory Town) nungi nisung 50 training agir.

Alemyapang Longchar, CEO, KMC and City Census Officer ajanga asemnü training ya kanga tongtipang lir aser temulung nung arendaka melie terata ajak bentetsüka ta ashi.

Chiephobozou atema Enumerators aser Supervisors training tenzükogo

Dimapur, Aami/June 09 (TYO): Chiephobozou Sub-division atema Enumerators aser Supervisors asoshi Census training mezüing phase June 9, 2026 nü DIET conference Hall, Chiechama, Kohima nung tenzükogo.

Additional Deputy Commissioner aser Sub-divisional Census Officer, Chiephobozou, Vekusheyi Rhakho-i iba training ayongzükba nukjidong lemsatapa jembidang, Census ya sorkari inyakba maparen tulutiba rongnung ka lir, koba ajanga asen nübur asoshi nütsüing yongzük, demographic yimya, literacy, housing amenities aser rongsenketzüing jenjang atema tongtipang osang agütsütsü, ta ashi.

Sorkari policy yangluba, terenlok maparen asoshi sentong yangluba aser rongsen

lemsatsüba inyakyim nunga iba data nung ajemdaksü, ta ashi aser Enumerators aser Supervisors dang iba census inyakyim nung tongtoret ka ama alitsü ayongzüka liasü.

Iba inyakyim nung takok angutsü nenok dak keta lir, ta pai ashi.

Iba inyakyim nung osang bendenba ya tejangia, shidak aser tabensa asütsüla, anungji training mapang tenok-tenoka shilem agia kija aser kibong kata mezüdoktsüla, ta Rhakho-i ashi.

Enumerators mapa repranga lenmang sayutsü asoshi Supervisors dak tongtipang teinyaksü lir aser Census mapa ya administrative mapa ka mapang shia inyakba ama masü saka teinyaksü mapa tulu aser linük yangerba nung shilem tongti ka lir ta ashi.

Census inyakyim nung

metokmeperi lira, ibaji Enumerators aser Supervisors khuret asütsü, anungji training nung temulung agüja adentsüla aser iba inyakyim nung bendanga agütsür züngzünga inyaksüla, ta pai ayongzük.

Iba sentong nung EAC & Census Charge Officer, Chiephobozou Rural, Viketoulie Metha menden liasü.

Field trainers Alemsonglia Jamir aser Ruthla Sangtam nati iba training sentongtem tongmelang agi rateta ashi aser EAC Kohima and Census Charge Officer, Botsa, Ane Khieya-i melepzüing o jembia liasü.

Iba Enumerators aser Supervisors atema mezüing phase training nung Botsa nungi nisung 23, Chiephobozou (Rural) nungi nisung 7 aser Chiephobozou Town nungi nisung 13 adener.

DC Chümoukedima-i CTC nung government nominee tenüing meshir

Dimapur, Aami/June 09 (TYO): Chümoukedima Town Council (CTC) nung Government Nominee Member tazüing ka aliba nung nübu tejangia shimtsü asoshi Deputy Commissioner, Chümoukedima ajanga

applications meshir.

Municipal Affair Department, Nagaland nungi osang aruba aser Nagaland Municipal Act, 2023 indang Section 22(4) kübok tashi agüja aliba amshia applications ya meshir, ta sangdong ka ajanga ashi.

Temsüa aser jangra aliba candidates temi pei indang applications ya Deputy Commissioner, Chümoukedima indang office nem June 23, 2026 tashinung agütsütsüla, ta sangdong ajangasa ashi.

Mokokchung nung Agri Marketing Operations asendenshir

Dimapur, Aami/June 09 (TYO): Agri aser allied sectors nung aluyimer asoshi shishilempaba maongka ulushitsütsü aser inyakyim tashi itshitsü mechi Agricultural Produce Marketing Committee (APMC), Mokokchung nung züngsem tasen shimogo.

APMC Mokokchung asendenshiba indang ya June 9, 2026 nü APMC Complex nung senden ka amenba mapang sangdonga liasü. Iba senden nung APMC Chairman I Panger Longkumer menden liasü.

Nagaland ama aluyimba nung rongsenketzüing metaloka aliba terenlok asoshi alu nungi züsentetba tem ayokba ajanga tongtipang shilem agir. State tesem ajunga nung agricultural marketing systems azüoka tajungba kumdaksütsü mechi Nagaland sorkari Nagaland Agricultural Produce Marketing (Development and Regulation) Act, 2005 yanglu.

Iba Act yagi alu nungi züsentetba tem atema markets amenoktsü, azüoktsü, tajungba kumdaksütsü, renlokaksütsü ayimjemer.

Iba asendenshi maparen nung Deputy Commissioner, Mokokchung, Ajit Kumar Verma-i tongtipang shilem agia district nung agricultural produce marketing tenzükshitsü asoshi züngsem asem ag akumba committee ka tenteta liasü, ta I Panger

Longkumer-i ashi.

Züngsem nung lanurtem züngser mapa mangu alir aika shimokba ajanga APMC Mokokchung nung tashi tasen agütsütsü aser Mokokchung nung agri aser allied products nukla tajung aliba amshitettsü, ta pai ashi.

APMC Mokokchung ajanga production aser marketing tsütsü 2012 tashi mapa tajung jenti inyaka aru, saka 2013 nungi kanga ajema akum, ta ashi.

Vice Chairman L Yanger Lemtur-i APMC Mokokchung asendenshir inyaksü sentong tongtipang kar lemsatapa liasü.

Tang asoshi mera ka ama Longkhum nung adokba pingana tonnes 5 tangaleni yoktsü sentong aliba pai metetdaksü aser iba atema firm den osangtsüsang agitepogo ta ashi.

APMC Mokokchung asendenshiba kübok mersü, somomo, juru, aser mapang palala nung adokba chiyongtsütem amshitsü sentong lir.

Parnoki district nung aliba aluyimer tem dang pei züsentetba tem committee dangi bener arua ayoktsü ayongzükogo.

APMC Mokokchung complex nungya administrative office, stokyards, auction platforms, cold storage, marketing sheds, compost pits, machinery stores aser weighbridges tem lir.

Minister Paiwang nem MoH&FW tetushi agütsü



Minister, Health & Family Welfare, P. Paiwang Konyak nem Ministry of Health & Family Welfare ajanga tepela temaitsü sayuba Dr. M. Margaret Yhome, Director (FW) DHFW, Kohima ajanga amoktsü dang tangokba noksa nung angur.

Dimapur, Aami/June 09 (TYO): Minister, Health & Family Welfare, Government of Nagaland, P. Paiwang Konyak-i Prime Minister's TB Mukta Bharat Abhiyan kübok Ni-Kshay Mitra ka ama zülüokba asoshi Ministry of Health & Family Welfare, Government of India ajanga tetushi agüja liasü.

Ni-Kshaya Mitra akumba ajanga Minister Paiwang-i tuberculosis (TB) tashidak agi meneper mozü agia alir nem chiyongtsü teyari agütsütsü

temulungtetba aliba sayur.

Iba mapatong ya temang anepaluba tali tajungba kumdaksütsü aser TB agi shiranger temang anema alitsü asoshi teyari tali agüja linük nung TB samadaksütsü nukjidong aliba nung mera ka agir amai alitsü.

Iba tetushi agütsüba ajanga Minister-i public health nung bendanga agütsüba aser TB-Free India mangdang nung shilem agia nüburtem-i iba tashidak anema raratsü ajungmesoba sayur.



Union Minister Nitin Gadkari-i Minimarag anasa Zojila Tunnel tupoka otetba temaitsü tatembangbuba blast sütsüba noksa nung angur. Iba ajanga Kashmir aser Ladak na sendakteptsütsü.

Rajya Sabha polls: Congress-i MP nungi MLA tem Karnataka-i belener ao

New Delhi, Aami/June 9 (Agencies): Madhya Pradesh nung Rajya Sabha election magi tsüingda Bharatiya Janata Party puri MLA tem mesüzüktsü meranger ta shia .Congress lenirtemi party MLA tem ajak Congress-i yimsüsüa aliba Karnataka-i belenerogo.

"Congress MLA tem ajak party-i yimsüsüa aliba Karnataka nung Bengaluru yimtii belenerogo," ta Saunsar MLA Vijay Revanath Choure-i PTI dang ashi.

Hombar aonung menor Congress Legislature Party, MP assembly nung opposition lenir Umang Singhar'er kidang senden ka amenba sülen iba jenjang agia liasü. Election magi tashi parnok Madhya Pradesh toktsür oa atatsü atema MLA tem den sensaksema liasü," ta PTI-isa metetdaksü.

Congress MLA 60 shi-i iba senden nung shilem agi. Party MLA ka Delhi-i or aliba ajanga senden nung shilem magitet aser lenir tejen Kamal Nath online ajanga shilem agia liasü.

PTI den sensaksemba mapang Singhar-i ashiba agi, BJP-i Congress MLA tem

alizüktsü meranger ta ashiba den, parnok ajak Congress-i yimsü asüba state kati anir aotsü ta shisem.

Paisa, party MLA kari BJP züingsemtemi juli sünga sen bener arua parnok alizüktsü merang saka parnoki magizükba metetdaksüogo ta ashi.

BJP tasa tamajung ya vote agütsüba anogo tamakok angutsü, ta Congress lenir yagi ashi.

Congress MLAs Yadavendra Singh aser Babu Jandel natia MLA tem Karnataka-i belener aoba osang jangjatsüogo.

Kasa mapang nung Singh-i ashiba agi, MLA tem kari monüi liasü, saka party tekolaktemi iba telemtetba agiba ajanga ajak belenerogo.

Madhya Pradesh Assembly nung züingsem 230 agi Rajya Sabha election atema electoral college kümteter. Menden ka tazüing akümba ajanga House tashi 229 dang kümogo aser Upper House nung menden ka atema candidate kati first-preference vote 58 nüngdaker.

Madhya Pradesh Assembly nung tang BJP MLA 164,

Congress MLA 64 aser Bharat Adivasi Party züingsem ka lir.

Terprangtsübo BJP-i menden ana mesüra asembo ayong ayonga akoktsü ama bilemer aser vote 116 dang nüngdaker. Menden ana akokba sülen parnok vote 48 dang anungtsü, koba vote 58 atongtsü atema vote 10 agi ajema akümtsü. Kasa mapang nung Congress ket nung candidate ka shimtsü atema tenüingdakba vote dang nungi pezü agi talila lir.

Ajisüaka party-i kümdangshia liner. 2020 küm Jyotiraditya Scindia aser MLA 22 BJP nung adenba sülen Kamal Nath-i aniba Congress sorkar chirepba sülen tang iba jenjang ya agiogo.

June 18 nü election nung BJP-i menden ana akoktsübo jangjaogo aser parnoki party national general secretary Tarun Chugh aser state unit secretary Rajneesh Agrawal na shimogo.

BJP-isa, Madhya Pradesh Fishermen Welfare Board mendenbuba Mahesh Kewat shimogo.

Congress-i taoba MP Meenakshi Natarajan nominate süogo.

Sitapur nung 250 MW solar project amenoktsü Rajnath-i agizükogo

New Delhi, Aami/June 9 (Agencies): Defence minister Rajnath Singh-i, Uttar Pradesh kübok Sitapur nung defence ali tazüing aliba nung Battery Energy Storage System (BESS) ka densema 250 MW Solar Power Project ka amenoktsü atema temelaba agütsüogo.

Iba ya Ministry of Defence-i defence ali nung renewable energy project tulu ka amenokba mezüingbuba asütsü.

Ket dang sürt emi Mongolbarnü sangdong ka ajanga ashiba agi, iba project ya Sitapur (Ex-Cantonment) nung defence ali acre 850 tazüing aliba nung amenoktsü, koba defence establishments energy security akangshitsü aser clean energy aser sustainability ajungkettsü nükjidong nung amenoktsü lir.

Ministry of Defence-i ashiba agi, solar-plus-storage project yagi conventional energy source tem dak metaloker aliba tajemba kümdaksütsü atema teyari agütsütsü, aser electricity nung sen entokba tajemba kümdaksütsü. Maneni linük terenlok atema defence ali tali tajungba amshitsü nükjidong nung iba project benokogo.

State meyong NTPC Limited-i, bidding ajanga iba inyakyim ya benoka inyaksü. Iba project ya Ministry of Defence (Army) Integrated Headquarters aser Directorate General Defence Estates (DGDE) na angatettepa inyaksü.

Ministry-i ashiba agi, iba project ya national security, energy security, technological innovation aser environmental sustainability longjemdaksüba ka lir. Iba ajanga renewable energy infrastructure atsülangshitsü aser kasa mapang nung armed force tem tenüingdakba peridaksütsü asoshi teyari agütsütsü, ta kasa sangdong ajangsa metetdaksü.

Ketdangsurtemi ashiba agi, iba mapa mapang shitak nung benoka inyaksü atema Ministry of Defence, NTPC, Army headquarters aser DGDE longjemer inyaksü.

Project tembanga inyakba sülen Sitapur Solar Power Project ya India nung defence ali nung amenokba renewable energy facility tem rongnung tulutiba akümtsü, aser defence sector nung tarutsü nung solar-plus-storage project tem atema tamendakdak ka asütsü.

PoK nung tamakok miimbangtsü atema Pak-i osang tai pokshir: MEA

New Delhi, Aami/June 9 (Agencies): Ministry of External Affairs (MEA)-i Mongolbarnü sangdong ka ajanga ashiba agi, Pakistan-occupied Kashmir (PoK) nung parnok tamakok miimbangtsü atema Pakistan-i osang teyazü prokshidar. Iba tesem nung azütokshi lendong ataloka nisung aika asüba den aika yiruba sülen parnoki osang teyazü yanglur prokshidar.

MEA otongdar Randhir Jaiswal-i osangbenertem den sensaksemba mapang ashiba agi, PoK nung mepetmesü adoker aliba aser longkak aitiba indang osang angazükogo. Paisa, Pakistan nungi osang aser video teyazü yanglua prokshidar, ta ashiba den, iba tesem nung meimchir temeden dak sendakba nung timtem adoker aliba dak meranglokdaksütsü atema parnoki merangdangba ama reprangteter, ta ashi.

"Iba ya Pakistan-i parnok tamakok miimbangtsü aser meimchir temeden anema inyaksangshiba dak meranglokdaksütsü atema merangdangba ka ama reprangteter," ta Jaiswal-i ashi.

PoK nung police-i tashiyim amshiba ajanga nisung aika tepsetogo aser yirutsüogo, ta pai ashi, "Pakistan-occupied Kashmir nung police-i tashiyim amshiba nenokia meteta lir. Osang ajanga nisung aika asüba aser yiruba sayuogo," ta pai ashi.

MEA otongdarisa alima kintem dang tatalokba ya temulung dang ayutsü aser meimchir temeden anema

inyaksangshiba atema Pakistan aitsütsü ayongzükogo.

Pakistan-i azüoker aliba Kashmir nung longkak aitiba sentong ka ayongzüka agitsü sentong yanglur aliba mapang azütokshi lendong atalokba indang osang angazükogo.

Tenokdangba agütsür aliba lokti tentet ka pusemertem police aser paramilitary force temi senshidaksütsü merangba mapang nisung 11 tepet aser nisung 70 dak tema yiruja liasü.

Police-i ashiba agi, Joint Awami Action Committee (JAAC) züingsemtem shirnoki rongsenketzüing aser yimden yimsüsüba nung parnok temeden khanga arudar, parnok züingsem ka tepsetba sülen mozüki ka nung morgue ka kima adenshia liasü. Iba sülen azütokshi lendong ataloka telok anaprongla nungi tasüba ajangashia liasü, ta ketdangsurtemi ashi.

Ketdangsurtemi ashiba agi, mejangjaba nisungtem injang khaloktsüba sülen police pezü aser iba tesem süia aoertem tepseta liasü. Kasa mapang nung sepaitemi telangzüba agütsüba mapang longkak aiter trok tepset. Police-sa, nisung aika yiruba aser apuba metetdaksüogo.

Ajisüaka JAAC-i tashiyim amshiba atema ketdangsurtem aitsüogo, aser kasa mapang nung ketdangsurtemi ashiba agi, longkak aitertemi prangbong aser petrol bomb tem amshia liasü.

JAAC-i anir legislative menden mekazüka aliba aser rongsenketzüing dak sendakba nung ken o balala anema longkak aita arudar.



Prayagraj, Uttar Pradesh nung Uttar Pradesh Police constable recruitment tatidang nung shilem magi tsüingda candidate tem security check asüba noksa nung angur. Mapa 32,679 atema candidate lakh 7.32 tema tatidang agütsüogo. Kasa mapang nung ochi mashi inyakyim benshitsü merangba atema ken o pongu benokogo.



TIR YIMYIM

YIMOBILEM (EDITRIAL)

DIMAPUR WEDNESDAY, JUNE (AMMI) 10, 2026

Kechi yanglutsü aser ayutsü ?

Nagaland asoshi osang tajung kaji yashi Chief minister-i Chiyongtsü yangludak 'Food Processing centre' pezü tashi tesem balala nung lapoktsübaji asütsü. Tanü alima nung nisungtem nungdak yangluba industry tapu aika rongnung chiyongtsü yangluba "Food Processing Industry" yasa tongtibangba lir, kechiyong nisung ajak asoshi chiyongtsü nungdaker aser chiyongtsüji tazü agi tamen kümer achitsüba dang masü saka chiyongtsü tapu ka agi aika küma yanglua mapang talangka rezünga yutettsüsa yanglu nung dang, nisungtem nungdak peritsü aser teyanglur aser tayokertema tajangzüka lia inyaktettsü. Aji oda, chiyongtsü yangluba mapa ya tom nung ajungbena tenzüksüba mapa ka masü saka alu nung aluyimertemi tenzüker, anungji chiyongtsü yangluba industry-ji takongua inyaka aotsü atema aluyimer alitsüla, kechiyong alu nungi züsentetbatem agidang chiyongtsü tapu balalaji yanglu tenzüksü. Pibo yamaji alu ayimba sentong tama tenzüksü aser alu nungi züsentetbatemji tamajung mekümdaktsü yua atar jenjang tuluba keter ayoktsü atema 'Cold Storage' amenoktsü aser chiyongtsü tapu balala yanglua ayoktsü atema Food Processing Industry lapoktsü. Ibayongji, küm piyong aonsutsü aser süngjanglijang tangang yatazükli mesüra ongzükli amato angur aser shi-angoa yamaji tazü ser nung tamajung mekümdaktsüi mekongga yuteter. Ibaji dang masü saka chiyongtsü aika tamen küma kongdaktsür ayoker aser chiyongtsü karbo tin aser mica nung mapang talangka meraksai alitsüsa tsünger ayoker. Item ama chiyongtsü yangludakji mapa inyaker aika nungdaker, anungji nisung aika nem mapa agütsüteter. Aji oda, chiyongtsü yangluba industry yagi aluyimertem yarir, kechiyong parnoki aluyimertemi züsentetba alir aser ano mapa inyakerteremji dang masü saka dokan nung ayokertem tashiji chiyongtsü yanglurtem ajanga adokdaktsüba mapatem lir. Itemji kodang bilemdangdir, chiyongtsü yangluba mapa ya nisungtem nem teyari agütsüba mapa tulu tajung ka lir ta angatettsü, anungji teinyaknüsüka. Ajsüaka, asenok asoshi tebilemstü kaji , chiyongtsü yanglutsü atema 'Food Processing Industry' lapoka yur chiyongtsü yanglutsüsa asenoki kecha mezüsentet aser memesütet nungbo industry merang nungji song tua ayutsüba dak alaka asenok ket nung teyanglutsü kecha makatsü. Iba kasaji, asenoki chiyongtsü meraksadaktsüi mekongga ayutsü atema 'Cold Storage' ki yanglua yur yangji ayutsü atema asenoki kecha mezüsentet aser ano electric light-a junga maru ta asünungbo, Cold Storage tazüng ayutsüsa akümtsü. Iba amaji asenoki chiyongtsü yanglutsü atema masü saka chiyongtsü yanglutsüba tenüng nung sen agizüka achitsü asoshi dang bilema inyakra, asenoksa akoksatsü. Atangji, asenok ya mapang talangka tiyazü aser ochimashi lima nung asenoksasa asenok külakokja tiyazü lu yima sayur aser tiyazü industry lapoker. Aji oda, shitakba aluyimertem nem alu yimdaktsür masü saka sahib nungertemi dang peisasa aluyimer kümer teyari ajak agizüka agira, yashi yakanü lapokba asen meyong Food Processing Industry nungjia teyanglutsü kecha makatsü ! Joko asenok ya shitakba asen alitsüba asangsang limai meyiptsüla aser sahib nungertemi aluyimer kümer pei lima aser nübertem ashioktsüba mapa ya anentsüla aser shitakba aluyimertem nem alu yimdaktsüsüla. Idangji dang asenoki yangluba "Cold Storage" nunga küm piyong chiyongtsü sünga yutettsü aser chiyongtsü yangludakjia amang sangwa metitemi tanen maka chiyongtsü yanglutsüsa aonsutsü, süngjanglijang aser shi ango bendentettsü. Aji oda, tanga lu mayimyonga ita ishika nung züsenteta ayoktsü aser achitsü akokba chiyongtsü manü, mersü, ponglashi, süngmok, bengana, züngi, somomo, chiro aser mongmong lu asenoki yimtettsü aser shirurua nashi, ak aser an metsütettsü. Ibaji mapa akümtsü atema government nung alir sahib nungertemi tiyazü lu meyimi, shitakba aluyimertem ajungshia alu yimdaktsüsüla aser aluyimertemia tiyazü lu meyimi pei chirnurtem asoshia senmang küma agitsüsa shitakba lu ayim tenzüksüla. Asenoki rocket meyanglutettsüa akok saka chiyongtsübosa yanglutettsü aser takumbo rocket agi masü chiyongtsü agidang taküm alitsü.

OLEMSABANG

AOR TAR YIMSÜYIMBONG

~ Wt. Repabenla, Asst. Professor, FAC

Item amung den ano aluyimertemi mongpu melentepba aodang küm kar nungbo mongpu majung denjidang alu nung longpen mesen pokteter, khen khenbo tzünglu junga marui anü tatsük agi mo asür, ano küm ka kabo koya tali pokteta modong chimatsür. Item ama tensa denjidang Mosü mong, tsüngküm mongpu majung sobatiaba dang tzünglu yokang ta mepishia külemba mung. Mesenchem mung/ longpenssem mung nung alu nung longpen mesüra mesensangnu agi alu nung modong kanga raksatsüba ajanga item teraksaba nungi jenbua alitsü yimkong longpensümung sa amung. Koyabang Alang mung ya koya jenti pokteta alu modong kanga mejungi raksaja achiba ajanga item nungi kümzüksü asoshi yimkong kenüsa külema amung.

Alu dak sentakba amung amaji tar nisungtemi amungtsümungji kanga dang metsünga reta munga aru. Yamaji yim dak sentaklokba nunga Yim Külem mung nungi tenzüka amung aika liasü. Yimdaka ajungben ajuruba tensa tatishitsü agi; yimti nung wara arudang Waralepdang mung, ki arungdang Kirung mung, tzünglu marura tzünglu jazük mung munga aru. Kodangsa parnoki item amung tensa den apet ken yamaisa aten,

Alimako alirr,

O Kotaktsüngba Anüngtsüngba,

Ali yangerba tzü ashir.

O Tzülapangba, Papubangba,

Nena yushi ajemale,

Alimako alir bilemangma no,

Oh, küyim sanger dangji chilushia

Tenale, Tsükmettsü shilangjangma.

Tetezü:

Alima nung aliri Anüng tsüngrem,

Ali yanglusang tsüngrem dang mepishira,

Tzüla ayong O papu ayong nena lungjemer,

Alima nung alir meimchir bilemangma

Tangar dang tsükmenatsü apua alu nung

Atenba meyipa agütsütettsüsa,

Tzünglu yoka alu nung mo junga shilangdakjangma.

2. Sobusolemtsü

Alima nung kechi yimsü südir taküm libaliru aser sobosulemtsü ana ya ajak nung metaloktepa alir. Yamaji asen Aor-a teburtemi abenba tsüngkoteptsü/sübangsü, temko, ozümi, shipu, lakep molong , kümbang, süjak etc. aser tetsüria etsüng sü, yongmen, kupok, kara kümbang, berem zük, chuba kap etc. Item ajak dak ya asen Aor koma aser koda liyonga aru ibala otsü keta lir. kodangsa konang nüngsang manung washitepa yar tsüngsangdir item sobutsü agir arua lokti jakdang ayak sayua tsüngsangtepa aru. Saka Tar yimsü nung kodang tsüngrem külemi odir kanga ajemalua tsüba külem. Tongtibangsa shiba ambong südir pabo süoshiji kanga junga jep jepa sobotsüla, kechaser tekülemba mapangji sü tashi mabenshitsüla ta metsünga reta amanga aru. Tanü asen putu nungbo takar sensaker kecha tependang mekai süoshi agiteper, saka otsüla oboula nungertembo takar sü achirtem aser parnok chirnur tashi takar süoshi balakasa sobua aru. Nisung kari pa/la takar ta rasa-a meshiaka parnok süoshi agiba jagi item ya takar ta shisangshisanga ajitet. Yamajisa nokinketer talep tatsüngertema parnoki mangko bener aruba konang ayakji par sobutsü nung reprangteta lia aru. ano külen tetsürtem parnok kin sü agiba jagi lar kinji jangjangja metetdaktsü, iba jagi kibalenbu tsütsülana kecha aibelen mesüi teburtemi kin kidong meteta asüngdangasa aru.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger agateta agitsü mepishir

Kerala CM-i Khristanpur den yariteptsü mulunger



Kerala Chief Minister V. D. Satheesan

Thiruvananthapuram, Aami/ June 09 (Agencies): Kerala state nung tawa shimtetba chief minister-i state panel kati recommendations agüja aliba mapa kuma inyaka loktiliba aser rongsenketzüng tsütsü jenjang tamajungba nung aliba Khristanpur yaritsü ta shiogo.

Chief Minister V. D. Satheesan, shiba taoba ita Kerala CM akum, pai June 6 nü pa den ajuruteper Latin-rite Catholics telok ka dang, Khristanpur socio-economic conditions asadangtsü atema state commission ka shimba ajanga report agütsüba mapang talangka mashishi yutsüba nung par sorkari temulung agütsütsü, ta ashi.

Communist-i aniba taoba sorkari iba commission ya 2021 nung shim, saka May 2023 nung commission ajanga tangatetba lemsatepba ama parnok meinyak.

Nüburtemi tanen makai takhangba agüjaka commission indang report aser recommendations ya sorkar kümsük tembangtsü ita ana lia taküm February ita ang saya.

Kaket tapak 357 aliba report nungya tongti recommendations 284 aser sub-recommendations 45 lir aser item ya loktiliba aser rongsenketzüng nung lemtar timtema aliba Khristanpur atema education, employment aser social welfare tajungba kumdaktsütsü asoshi lir.

State nung Khristanpur rongnung Latin Catholics ya "most vulnerable community" aser parnok den kasa jenjang nung makamaiter Dalit aser tribal nisungtem tesüiba centuries ana nung Khristanpur akumertem lir, ta report nungya ashi.

Vijayapuram diocese nungi Kerala Regional Latin Catholic Bishops' Council tatong tir Bishop Sebastian Thekkethcheril-i anir CM Satheesan ajurua liasü. Kerala Regional Latin Catholic Bishops' Council ya state nung Latin-rite dioceses 12 ajanga kumtetba lir.

Council indang tatong tir Joseph Jude-i ashiba agi, Setheesan-i züngzünga angaa liasü aser temulung agüja recommendation ya ka khen ka ta mapa kuma inyaktüsü

nangzük.

"Angopuer tem densema asen nüburtem timba anogoshi aayanga jartem lir, aser takum nung jenjang tajungba akumtsü asoshi sorkar nungi alakteta temulung agütsütsü nungdaker," ta Jude-i Hombarnü UCA News dang ashi.

Kerala nütsüng yongsük million 33 aliba nungi Khristanpur shilem 18.38 lir ta 2011 national census ajanga ashir.

Item rongnung nisung million ana jungnüa Latin Catholics nungertem lir.

Latin Church ajanga internal study ka agiba nung, Catholic züngsem shilem 54 shi ali tila lira ser sentsüh nung lir, aser shilem 49 ya 'below poverty line' nung

alir ta ashi.

Parnok shilem 89 shi unorganized sector nung mapa inyaker saka parnok job security mesüra health aser retirement benefits mali.

Education tsütsü shilem 12 graduates, aser shilem 3.5 shi post-graduation studies renemer lir.

Eastern rite Syro-Malabar Church ama tanga Khristanpur million pongu jungnüa lir aser parnoka rongsenketzüng tsütsü tangar memenep ta ashir.

Employment, education aser healthcare tsütsü makamait Khristanpur sorkari yaritsü densema onoki mapang talangka nungi akhangba timba commission yagi tutetja lir, ta Jude-i ashi.

Item recommendations mapa kuma inyaktüsü mapang talangka nungi thia arur, ta Idukki district nung aliba Catholic nung lenir Cheriyan Joseph-i ashi.

Education aser health sectors nung tongtipang shilem agiba ajanga Khristanpur ya peria kaa-ita lir ama nüburtemi bilemer ta pai ashi.

"Saka tangbo iba tensa melenshiogo, aser onok kumzükä alitsü atema sorkar nungi teyari nungdaker," ta Joseph-i ashi.

Myanmar bishop pongu pei arogo nung meliteter



Amnesty International ajanga July 20, 2022 küm sayuba noksa ka nung Myanmar mitkari tekülem ki ka poksaja mi agi rongdoktsür aliba angur.

Vatican, Aami/June 09 (Agencies): Myanmar nungi Catholic bishop ka Pope Leo XIV den ajuruteptsü asoshi Vatican semdangba mapang, bishops tem pei arogo nung melitetsüsa akumba densema linük nung humanitarian crisis tamajungba akumba indang lemsatepa liasü.

2021 küm civil war tenzükba sülen Myanmar nung arogo 17 aliba nungi bishop pongu pei arogo yutsütsüsa akum, ta Pekhon nungi Bishop Felice Ba Htoo-i June 5 nü Vatican indang missionary news service, Fides dang ashi.

Pekhon, Loikaw, Banmaw, Mindat, aser Lashio dioceses indang bishops tem pei arogo yutsür army aser telungpur tsüngta raraba tesem nungi talangka pilar arogo balala nung alir. "Item asangsang tia nungi onok bishops tem jenbua mali.

Onok arogo aika shibangogo, kechiaser itemji raksatsü, amak mesüra tamangertem samaba ajanga lir," ta Bishop Htoo-i ashi.

Ibai Catholic diocesan bishops tem küm pongu nung khen Apostles Peter aser Paul leper nung sarasademsü asoshi Rome-i temeshi aini aoba mapang shia liasü.

Iba mapang putiri pope aser Vatican dicasteries ajurua par arogo nung tanüla aser ketdangsuba indang osang agüja liasü.

Pai Pope Leo XIV den ajurutepe par linük tensa indang jemi, ta Fides nung ashi.

Mitkar tanishir Min Aung Hlaing-i anir 2021 küm tashiyim amshia mitkari sorkar atsüngdokba ajanga nisung million 55 shi aliba linük nung rongrongshirong, azüdokshi aser civil war tenzük.

ANOGO ABEN TSÜNGREM DEN

Takong lima nung sayatenya

"Tzüraba li, Pai ayongtem kümdaktsür. Ibai taochi sayatenya mapa ka lir. Tajung Kibubai kecha memetetba kaji temoatsü ayong kümdaktsür. Ni tsüngsarusa lima ajanga ao, aser idakji mulungsünep angu. Tasü aküm lenden nunga ni rem lanu aser tasüngtet tzü angur. Ni Kibubai melaba ozüng nung jajara takong lenmang nunga ni narotem angur.

(T. Ken 107:33-43)

Tamang kateta ainlen jartem asoshi Tsüngremer maongkaji parnok leniba lir. Pa temoatsüba tetsüng kü dang tama or atar. Ni kechi nungdaker aji nguadoker alir, Kibuba den ngujemer aliba tetezü metetadoker aliba aser temoatsü. Ghonda shia tsüngchir nütsüng ka akümstübaaji tesüngmangtsü taochi lir. Anungji kü lenmang nung amang liaka ni temulung ajema mekümlü. Tsüngrem denbo azüngmeyakdakjia yimti ama dang lir, aser pa den lungjemba kü chiyungtsü aser tzü ngulanglang.

Kibuba ket nung par chirtem temulung makai alirtem asoshi manna lir. Aser pai lung nungi tzü poktetdaktsür. Pa medeni ni kechaia aotsü makok, aser pa temoatsü tzüra-a aliba lisem lima aser azüngtsü agi tulaa aliba moapu ajak nung kasa lir. Tenemtsüng ajak nung ayong alitsü, aser azüngmeyak ajemalu lenden nung ni labu naro tesünep angutsü.

ka kumogo aser yangji mitkar aser local PDF tsüngta rarar.

Rara mechi nisung meyrirjang aika pei ki yutsür jena ao, aser arogo lenirtem, putir aser ketdangtsür temi item nisungtem meina aor.

Htoo-i ashiba agi, putir aser ketdangtsür temi arogo nung züngsemtem arem nung, refugee camps nung aser azüdokshi agi ajema kongshia aliba yimtsüngtem nung ajuruteptsü meranger.

"Onoki parnok ajurua shisatsü aser teimla agütsütsü meranger," ta Htoo-i Fides dang ashi.

"Küm pongu tanen makai raraba ajanga nüburtem shisabolur aser tetsübo nung lir. Iba ama timtem tekangshi mapang asenoki teimla agütsütsüla," ta Htoo-i ashi.

Pai ashiba agi, arogo nung tensa mejungi kumogo, kong tamangba yimsü balala nungi nisung 40,000 shi jenoka lir.

Nisung timba anüolen tesemtem nungi lir. Tajemtsü tzü angutsüa tasak kumogo, kechiaser onok alidak tzü agi kanga anünger, ta pai ashi.

Ajidang masü rara ajanga alir rongsen nunga kongshio, koba rara tenzükdang tangartem den lemsatepa liasü, ta Htoo-i Fides dang ashi.

Rara mechi parnok arogo 16 aliba nungi tenet shibangtsüsa akum. Aser arogopur 60,000 shi linük nung yimtak yimtsüngtem nung jenoka lir.

Civilian aser democracy activists 7,700 dak tema tepsetogo, 30,000 dak tema puogo aser 22,800 jungnüa tepuokdaki yokogo, ta rights groups ajanga ashir.

Mitkar temi yimsü asüba ajanga rongsenketzüng jenjang kangasa mejungi kumogo, koba mitkar yimsüsür anema linük balalai sanctions agütsüba ajanga lir.

Mitkar aser ethnic armed groups teloktep ka aser tang tasen tenteta aliba People's Defense Forces (PDF) tsüngta raraba mechi humanitarian crisis tenzüksü tia nung lir, kong nisung million aika pei telidak ki yutsür tesem balala nung jenoka alir. Southern Shan state nung Pekhon ya tang civil war nung southeastern front nung shilem ka lir.

Yangi communication routes aliba ajanga tongtipang tesem

AO OSHI ANGAZÜKDAK:

TANÜ ANGAZÜKTSÜBA OJANG



Yimlusür

(n) yimdongsema senzürtem (stroller along the village)

* Yimtak bendanglen nungi yimlusür kar arua senzüa angu.

Yimnasanger

(n) yim ana nungi nüburtem (people of two villages)

* Yimnasanger tsüngda yimjung yanglu.

OLONG PAITEP # 7530

1		2		3		4		5
			6		7			
8								
					9			
		10						
11								12
				13		14		
15								
16						17		

TIPILEN

- Nüji masü - (4)
- Techinütsüka - (6)
- Aketa shirangba - (5)
- Pi - (6)
- Amena - (5)
- Kinü - (5)
- Tanang masü - (5)
- Lenmang - (6)
- Nübo tedi - (5)
- Tuoshi - (6)
- Shiruru apuba temenatsü - (4)

LANGTSÜNGLEN

- Jila tulu - (5)
- Sarasademdang tembang - (4)
- Tarutsü indang ashirtem - (6)
- Alia - (5)
- Mojing - (5)
- Tai inyakba metet - (5)
- Medemer chijiba - (6)
- Tatokba / Amadok - (5)
- Anüngdang masü - (5)
- Jabaso masü - (4)

OLONG PAITEP # 7529 TELANGZÜBA

TIPILEN :

- Tesangra, 5. Mungo, 7. Kisen,
- Salem, 12. Semki, 14. Kilem,
- Kensü, 16. Sangpang.

LANGTSÜNGLEN :

- Temesen, 2. Raksa, 3. Aon,
- Aso, 6. Nile, 9. Alizüng,
- Omen, 11. Lemta, 13. Ola,
- Kin.

NAI-A YA METETTER



World Cup putiotsü nung asaya teimtiba nung referee inyaksangji Uzbekistan referee Ravshan Irmatov lir. Irmatov-i World Cup asem tashi nung asaya 11 nung referee inyaka liasü.

Pai 2010 World Cup, South Africa nung asaya 5, 2014 World Cup, Brazil nung asaya 4 aser 2018 World Cup, Russia nung asaya 2 nung referee inyakogo.

Nov 17 nü Guns N' Roses-i Guwahati nung shilem agitsü



Guwahati, June 9, 2026

(Agencies): Kanga nüngtugu American rock band Guns N' Roses-i November 2026 nung India kübok yimti ana semdangtsü sentong lir.

Tang tagidak Guns N' Roses indang world tour nung Asia leg nung shilem ka ama Bengaluru aser Guwahati nung kenten sentongtem alitsü.

Guns N' Roses-i November 14 nü Nice Grounds, Bengaluru aser November 17 nü Khanapara Ground, Guwahati nung kenten sentongtem nung shilem agitsü. Item kenten

sentong ya BookMyShow indang live entertainment division BookMyShow Live ajanga ayongzüker.

Guns N' Roses-i küm ter tema lir 2025 küm India semdanga liasü aser taküm-a ano semdangtsü sentong renemogo.

Guns N' Roses ya 1985 nung tentet aser music history nung influential rock bands rongnung ka ta züngshir.

Guns N' Roses world tour kübok Europe, Middle East, Asia aser Latin America sema senzüogo aser iba tour nungsa parnoki Nothin' aser Atlas ta ser

singles ana sayaogo.

"India-i Guns N' Roses aruba ya large-scale international live entertainment sentongtem agidak tongti ka akümba sayur. Bengaluru ya rock music atema tongtipang market ka kümogo aser Guwahati densemba ya large-format live events kanga jangraba agi lir" ta BookMyShow Live Chief Business Officer Naman Pugalia-i ashi.

Guwahati concert ya Northeast nung küm ishika tsüngda international music events tulutiba rongnung ka asütsü imlar.

Assam sorkar nung ministerial portfolios lemzüksüogo

Guwahati, June 9, 2026

(Agencies): Assam Chief Minister Dr. Himanta Biswa Sarma-i June 8 nü Council of Ministers nung züngsemtem nem portfolio lema agütsüogo.

CM Sarma-i Home & Political, Public Works Department (Buildings & National Highways), Public Works Department (Roads), Power, aser Information, Public Relations, Printing & Stationery department tem den tangar nem melemzüksüba department abentsü.

Jayanta Mallabaruah nem Finance, Environment & Forest, aser Mines & Minerals department aser Ashok Singhal nem maneni Health & Family Welfare aser Medical Education & Research lemzüksüogo.

Ranoj Pegu nem School

Education, Higher Education, Tribal Affairs (Plain), aser Information Technology lemzüksü. Pijush Hazarika nem Agriculture, Irrigation, aser Parliamentary Affairs aser Keshab Mahanta nem Revenue & Disaster Management, Science, Technology & Climate Change, aser General Administration department tem lemzüksüogo.

Bimal Borah nem Cultural Affairs, Industries, Commerce & Public Enterprises, aser Act East Policy Affairs aser Biswajit Daimary nem Handloom, Textiles & Sericulture, Sports & Youth Welfare, Skill, Employment & Entrepreneurship, aser Indigenous & Tribal Faith & Culture department tem lemzüksü.

Kaushik Rai nem Food,

Public Distribution & Consumer Affairs, Housing & Urban Affairs, aser Cooperation aser Krishnendu Paul nem Public Health Engineering, Hill Areas, aser Barak Valley Development department tem lemzüksü.

Nilima Devi nem Animal Husbandry & Veterinary and Fishery departments, Susanta Borgohain nem Water Resources and Judicial aser Ashwini Ray Sarkar nem Social Justice & Empowerment, Soil Conservation, and Welfare of Minorities & Development lemzüksüogo.

Council of Ministers ajanga Assam nunger bendanga agüja aser tenangzükbä yur tenzüksü amanger. Parnok ajanga Assam maneni renloksü aser azükarutsü ta Chief Minister Sarma-i metetdaksüogo.

GOVERNMENT OF NAGALAND

OFFICE OF THE ENGINEER-IN-CHIEF, NPWD

NAGALAND:KOHIMA.

No.NPWD/E-IN-C/DRB/90/2019

Dated Kohima, the 09th June 2026.

In pursuance to Advertisement No.NPWD/E-IN-C/DRB/90/2019 Dated 10.03.2026 Viva-Voce for filling up 1 (one) post of MTS under the establishment of the Executive Engineer PWD (Housing) DUDA Kohima will be held as per the scheduled mentioned below:-

Date	Time	Venue	Remarks
17.06.2026	11:00 am	Engineer-In-Chief NPWD, Office Kohima	Candidates are directed to bring the Admit card along with the original documents.

(Er.K.IMNAJUNGBA JAMIR)
Engineer-In-Chief,NPWD
Nagaland:Kohima.

Xi aser Kim nati tesendaktep akangshitsü nangzüktep

Beijing, Aami/June 9 (Agencies): China tir Xi Jinping aser North Korea lenir Kim Jong Un nati linük ana tsüingda tesendaktep akangshitsü nangzüktepogo, ta state media sangdong ka ajanga metetdaksü. Xi-i Pyongyang semdangba mapang iba tenangzüktepba yanglua liasü.

Hombar aonung menor senden ka amenba mapang Xi-i, Kim dang linük ana tsüingda tesendaktep akangshitsü pa nükjidong lir ta ashi, aser lenir anapronglai strategic communication tajungba küma yanglushitsü asoshi mulungtepogo, ta official KCNA news agency-i Mongolbarnü metetdaksü.

Kim-ia, North Korea aser China na tesendaktep meraksadaksütsü, koba ajak dang tongtibangtiba lir ta shiogo, ta KCNA-isa metetdaksü.

Kim-i, Xi ya state semdangertem rongnung ajak dang tongtibangtiba lir ta ashiba den, Xi-i taküm bendanglima semdangba nung mezüingbuba

North Korea semdangtsü shimba ajanga North Korea kanga ajungmesor, ta ashi.

Maneni Kim-isa, Pyongyangi beijing indang "one China principle" pusemba metetdaksü. Kim aser Xi natisa international aser regional ken o tem sensak asem aser linük ana arok tejangraba kümzüka ayutsü atema tesendaktep akangshitsü mulungtepogo.

China indang state broadcaster CCTV-i Hombarnü sangdong ka ajanga ashiba agi, Xi-i shishilemba, aluyimba, kisijensü aser technology amala wadang balala nung tesendaktep atsülangshitsü atema mulunga aliba lemsatepogo.

Xi-isa, linük ana yagi strategic tesendaktep akangshitsüla aser pei linük sovereignty aser security kümzüka ayutsü ta shiogo, ta osang ajanga metetdaksü.

Küm tenet tsüingda Xi-i tang mezüingbuba North Korea semdangogo. Xi aser Kim na tatemsa September ita Beijing nung ajurutepogo. Iba mapang

Russia tir Vladimir Putin aser tanga bendanger lenirtem den külemi parnoki military parade ka asadanga liasü.

Lenir ana ya Mongolbarnü sensak asemstü masestü mejangjai liasü. South Korea nung media osang balala ajanga ashiba agi, Xi-i Pyongyang nung Sino-Korean Friendship Tower semdangtsü akok, koba 1950s nung Korea linük ana raraba mapang asüba China nung sepaitem nüngdem nung yanglutsüba lir.

Linük ana yagi parnok tesendaktep ya azü ajanga lir ta aibenshia arudar, ajisüaka tawa China-i North Korea indang nuclear programme atema tenokdangba agütsüba pusemba sülen temulung melemtep adoka liasü.

Kasa mapang nung North Korean media-i, Xi aser Kim na sensaksemba mapang Pyongyang indang nuclear weapons programme aser United States dak sendakba ken o sensak asem masem iba indang osang magütsü.

Putin aser Trump phone ajanga jembitsü sentong mali: Dmitry Peskov

Dimapur, Aami/June 09 (Agencies): US Tir Donald Trump aser Russia Tir Vladimir Putin tsüingta telephone ajanga jembitsü tangbo sentong kecha mali, aser American negotiators Steve Witkoff aser Jared Kushner nati maneni Russia aser Ukraine den osang agiteptar, ta Kremlin odongtar Dmitry Peskov-i Mongolbarnü ashi.

Russia aser Ukraine tsüingta yimjung alitsü asoshi taoba mapang jembishinüba nung Witkoff aser Kushner shilem agia liasü, koba United States aser Israel nati February ita tatemlen nungi Iran amakba ajanga anendaka

lir. "Ukraine indang ken o jembiba tangbo soita lir. Ashi ama, US negotiators temi tang aliba channels ajanga onok den aser Ukraine nung den osang agitepa sensaksem akar. Parnoki semdangtsü asoshia anogo tejangja mali, saka parnok mashi mapang Russia-i pela agizüksü renema lir," ta Peskov-i ashi.

Hombarnü Ukraine Tir Volodymyr Zelenskyy-i Witkoff aser Kushner den sensaksem tajung kaogo ta ashi aser Ukraine rara nung tangatettep kati arutsü asoshi aruya aliba hopta tem nung inyaksü parnok renema aliba

tenüing sanga liasü.

Ajisüaka US-i mera agiba indang osang Kremlin nem osang magütsü, ta Peskov-i ashi.

Europe tetsüingtai aittsü ama ajitetba indang asüingdang dang, tangbo item ama shilem agiba Russia-i magizüksü, ta Peskov-i ashi.

"Mezüingbuba nung, tetsüingtai ia jembishinü tenzüka Russia nem conditions kar agütsüba ya tim masü aser tai... Ajisüaka tongtipangtibaji, onokibo Europeans ya yimjung ken o jembitsüba nung masü saka maneni raratsü nungang tali rangloker ama ajitetar," ta pai ashi.

Kenya nung US Ebola quarantine centre anema longkak ait

Nairobi, Aami/June 9 (Agencies): American nungertem Ebola tashidak menar aliba linük nungi arurtem ayutsü atema quarantine centre ka amenokba anema Nanyuki jila nung longkak aiteritem senshidaksütsü atema Kenya police-i tear gas khalokja liasü. Kenya nung okadaka kati iba centre meyaglui atatsü atema tetuyuba agütsür liaka United States-i iba centre yanglutsü atema aritepa inyakdar.

Air force base ka nung yipden 50 aketba unit ka yanglutsü atema benokba ajanga Kenya nung aika mit adokdaksü, shirnoki eastern Democratic Republic of the Congo (DRC) aser Uganda nung Ebola pokteter aliba tesem semdangertem anepalutsü atema jenjang agia nüburttem lendongbang nung toktsüba atema US aitsüogo.

aikati Nanyuki nung longkak aita liasü. Okadaki tetuyuba agütsüba mangai Kenya aser US nung ketdangsurtemi iba sentong benoka inyaksü yimjak nung sangdongba ajanga nüburttem kanga tezüdangdakja liasü. Longkak aitba sentong ya tamajungba küma nisung ana asü aser ka yirua liasü.

Taoba mapang longkak aiteritem senshidaksütsü atema tear gas amshia liasü. Longkak aiter kati kangki temesung ka nung "Respect Ebola" ta temerem agi zülua bener liasü. Bundibugyo strain putetba sülen World Health Organization-i May 17 nü international public health emergency ka sangdonga liasü. Iba tashidak ya DRC nung puteter hopta ishika aoer aser kidanger Uganda-ia prokshiaogo. Zaire strain ama masü iba

strain atema vaccine adoka mali mesüra Bundibugyo strain asoshi treatment kecha nguteta mali.

Okadaki tenokdangba agütsüba sülena US indang military tayimstütemi staff aser hadirtem maneni belendar, ta US aser diplomatic source temi metetdaksüogo. Iba hopta-a tayimstü aika iba tesem tonga aotsü imlar.

Satellite noksa ajanga Laikipia airbase telung nung May 27 nü nungi tenzüka süki temesüingtem amenokyonga oya aliba sayuogo.

US-i ashiba agi, okadaki tenokdangba agütsüba parnoki jangja lir aser ken o bentettsü atema Kenya sorkar den inyaktepdar.

Kasa mapang nung Kenya nung ketdangsurtemi ashiba agi, iba ajanga Kenya nung aser bendangertem ajangzüksü.

Office of the
LONGMISA SENSO MUNG DANG
P.O Mokokchung - 798601 B.P.O Longmisa
Mokokchung : Nagaland

TENÜNGSANG AGÜTSÜR

Longmisa Senso Mungdang ajanga tenüngsanga **Shri. Imtiyanger S/o. Lt. Imkongramok, Principal jenjang GHSS Hakushang School Education Department** nung ajangzükteba asoshi konang tetushi agütsür.

Asen Teyanglur Tsüingremi nu takum, kibong aser wadang ajak nung maneni moajangma.

Sd/- Pangersosang President, LSM **Sd/- I. SenkanungbaAo G. Secretary, LSM**

Office of the
Mokokchung Senso Mungdang
Mokokchung Village

METETDAKTSÜR

Yangi Mokokchung Senso Mungdang office ajanga tongtiabng nüngdak ka lemsateper. Tang Ak wara (African Swine flu) sashia aruba mapang Ak tasü aika mapang balala nung Mokokchung yim lushi lenmang nung aser alu nung indoker shia (rotten) aliba Senso Mungdang Committee ajanga, nübu mapang aika indoka itemji anepalua rema yutsüogo. Anungji tarutsü nung kari danga item Ak tasü bener arua yim lushi nung indokba putetra pa/la dang senchi Rs. 20,000 (Rupees Twenty thousand) only achitsü metetdaksür.

Sd/- L. Kari Kichu President, MSM **Sd/- T.Lipokyanger Pongen Secretary, MSM**

Iran rara nung Houthi telungpur adener; Red Sea nung Israel rong nokdanger

Sanaa, Aami/June 09 (Agencies): Iran-i yariba Yemen nung Houthi telungpuri Israel nung missile khaloktsü aser Red Sea ajanga aoba Israel nung rong ajunga nokdanger, ta Hombarnü ashi.

Hopta ishika rara aruba April ita tashi mait ceasefire ka sangdonga rara anener lia tang mezüingbuba Hombarnü Iran aser Israel tsüingta maktepba mapang iba osang ya sangdonga ano tensa tali tamajungba akumtsü tetsübo nung lir.

Taoba mapanga Israel-Hamas rara tenzüka alidang Red Sea ajanga khu abenba rong tem ajanga süyiba merenshia liasü aser company aikati southern Africa meketa lenmang talangba nung jaja liasü. Gulf linüktem nungi totzü abenba nung Strait of Hormuz ya süngkum tulutiba amai lir, koba Iran-i shibanger tensa mejungi lia tang tesüsa Houthi telungpuri amokmeren o sangdong.

"Red Sea nung Israeli maritime navigation okshia nokdangba onoki sangdonger," ta Houthis indang armed forces nungi sangdong ka nung ashi. "Iba sangdong agütsüba mapang nungi tenzüka tsükchir senzüsempogba ajunga 'legitimate military targets' akumtsü."

Red Sea ya aliba nung shishilempaba lenmang tongtipang ka lir, aser yangji Bab el-Mandeb strait ajanga totzü aser container aika

abener. Yangji timtem agütsba ajanga rong senzüba nung menuba aser oset jenjang tali akumba densema rongsenketzüng tsütsü tesem aisülen timtem ajurutsü.

Houthis ya Iran bhukuma March ita Middle East rara nung aden, aser April 8 nü ceasefire tenzüka sülen Israel dak missile agi amakba sangdonga mali. Hombarnü sangdong nung parnoki 'sensitive Israeli enemy targets' nung missile khaloktsü aser mezüing mezünga nükjidong atalokogo, ta ashi.

Israel mitkaria Telegram nung Yemen nungi Israel leni missile ka khaloktsüba jangjaogo aser iba missile khazüka yoktsü aerial defence systems mapa inyaktar, ta ashi.

Israel aser Iran na maneni maktepa tashi mait ceasefire tali tashi maitba kuma yimjung tezüingzüktep ka agitsü teimla samatsür aliba mapang iba ya ataloker. Houthis den Lebanon nung aliba Hezbollah ya "Axis of Resistance" nung shilem ka lir, koba Iran bhukumba telok, shirnoki Israel aser United States anemer.

Yemen north tsütsü nungi sorkar anemer tem yagi September 2014 nung linük yimtiba atsüingdokba sülen linük shilem tuluka amokbanga lir. Saudi Arabia-i anir linük balala nungi mitkar temi March 2015 nungi teka sangshiba ajanga civil war ka tenzüka nisung meyirijang aika süogo.

Fan tem nem tenokdangba agütsüba atema Iran-i US aitsü


Aami/June 9, 2026 (Agencies): Iranian Football Federation-i parnok pusemertem 2026 FIFA World Cup nung shilem magidaksütsü atema tenokdangba agütsüba atema United States aitsüogo. America nung asayatsü aliba group-stage nung asayatem atema federation indang ticket allocation aginja fan tem nokdangba atema Iran-i US aitsüogo.

Mongolbarnü sangdong ka ajanga federation-i ashiba agi, asayamung tenzüksü anogo ishika dang lia iba telemtetba agiba ajanga Iran nem tenokdangba talila agütsüogo. Iran indang World Cup delegation nung züngsem aika nem visa magütsüba sülen tang iba ya atalokogo. "2026 World Cup tenzüksü atema anogo asem dang anunga lia United States-i maneni Iran nung pusemertem national team group-stage nung asaya asem reprangtsü atema stadium temi marudaksütsü asoshi

tenokdangba agütsüogo," ta federation-i ashi. Iran nung football achaayangba lokti tentet yagi ashiba agi, FIFA temzüng ozüing nung asayamung nung shilem agiba federation tem nem parnok pusemertem nem lemstsütsü atema asaya ticket shilem ka agütsütsü ta shia lir. Federation-i ashiba agi, asaya atema ticket lemzüksüba sülen New Zealand, Belgium aser Egypt den Iran asaya atema asaya ticket tem ayok tenzükgogo aser fan tem aika asaya reprangi aotsü atema jenjang agiatokogo. "Ajisüaka mimlai lia iba jenjang agia Iranian Football Federation nem lemzüksüba aginogo aser ibayongji federation-i national team pusemertem nem ticket ka danga magütsütsü kümogo," ta kasa sangdong ajanga metetdaksütsü. Maneni federation-isa, iba telemtetba agiba aitsüogo aser ashiba agi iba ya international asayamung tem ketdangsbüba

tanüla aser shilem agiba linüktem mebendangi amshitsüba inyakyim anema lir, ta ashi. Parnokisa alima nung football asaya achaayangba lokti tentettem dang jenjang agitsü mepeshiba den FIFA aser asayamung ayongertem dang tang Iran nung pusemertem tenügdakba peritsütsü aser benoka aliba temzüng ozüing alema inyaksangshi masütsü aser shinga mebendangi amshitsü ayongzükgogo. FIFA mesüra asayamung ayongertemi iba dak sendakba nung telangzüba kecha magütsü. Yimden yimsütsüba nung mepetmesü adoker aliba ajanga World Cup atema renemshiba mapang Iran-i parnok indang base ya Arizona nungi Mexico kübok Tijuana-i belener ogo. Parnok June 15 nü Los Angeles nung New Zealand den mezüingbuba asayatsü aser iba sülen Belgium aser Egypt na den asayatsü.

Federer US Open mapang exhibition asaya ka nung shilem agitsü



Aami/June 9, 2026 (Agencies): Roger Federer taküm lemluwa US Open-i meyipa arua asayatsü renema lir. Pa Arthur Ashe Stadium nung August 25 nü exhibition asaya ka nung shilem agitsü. "Roger Federer: An Icon Returns to New York," ta nüngja agütsür asayatsü aliba exhibition asaya nung arishi küm 44 tain asayar ya tennis nung nüngtugu asayar Andy Roddick aser taoba mapang champions Andre Agassi aser John McEnroe nung den külemi asayatsü. Federer 2019 küm sülen tang mezüingbuba Flushing Meadows nung asayatsü lir. Iba küm pa quarter-finals tonga asaya-a liasü. Tebur aser tetsür tennis asayar ajak rongnung pa kijai US Open kija asaya ponguben atonga koka lir. 2004 nungi 2008 tashi pai iba asayamung ya amokbanger asaya liasü. Paisa Grand Slam kija asaya 20 akokba sülen asaya nungi anisüngzüka liasü. August 29 nü Newport, Rhode Island nung International Tennis Hall of Fame nung mezüingoksem tsüingda Roger

Federer iba asaya nung shilem agitsü. Asayamung ayongertemisa iba asaya nung celebrity guest talila kar anir arutsü akok ta shiogo. New York-i meyipa oa asayatsüba indang jembiba mapang Federer-i pa indang career nung iba asayamung ya koda tongtibang iba indang lemsatepa liasü. "Kü atema US Open ya asayamung tongtibangtem rongnung ka liasü. New York nung kodanga mamatoktetsüsa tajangshiba aika lir aser Arthur Ashe Stadium ya nia atema kanga dang tongtibang tesem ka lir," ta Federer-i ashi. "Iba asayamung nung asayaba menunrar aser kümshia fan temi iba asayamung kanga tashi itdaksüba bilemteter. Arthur Ashe-i meyipa arua Andy, Andre aser John nung den asayatsü ya kanga jangrademtsüka asütsü. "Ni taoba mapang asayabatem menunra-a asayashitsü aser fan tem den tanaben longjemer aonung ka mapang entoktsü yongyasetatar," ta pai ashi. USTA-ia Federer tanaben meyipa aruba pelashishia agizükogogo, aser mendenbuba Brian Vahaly-i, pai iba asaya asoshi tajung aika inyaka toktsüba tenüngsanga jembiba den, iba asaya ya fan tem atema tennis asaya nung ajaki rangketa reprangba asayar ka bejungsü atema maongka agütsütsü, ta ashi.

Ireland aser England den T20Is asaya atema Siraj anisüngzükdaksür




Aami/June 9, 2026 (Agencies): Ireland aser England na nung oa T20I asayamungtem masaya tsüingda India-i asayar melenshitsuksü kümogo, aser workload management sentong nung shilem ka ama Afghanistan den Test asaya nung masayadaksütsü liasü, saka pa Mullanpur nung Krishna den külemi asayaogo. Iba asaya nung pai bat ajanga teyari agüja ball 12 nung run 22 yanglua liasü. Iba asaya mezüingbuba innings nung pai run 29 agütsür wicket ka danga magi, saka tanabuba innings nungbo wicket ka agia liasü. 2028 T20 World Cup aser Los Angeles Olympics na densema taruba ICC asayamungtem atema renemshiba mapang asayar shimertemi India T20I squad nung asayatem shimshiba sülen tang iba telemtetba ya agiogo. Suryakumar Yadav melena Shreyas nem captain mapa agütsüogo aser Tilak Varma vice-captain kümogo. Team nung arishi küm 15 tain batter Vaibhav Sooryavanshi shimokba ya ajaki jembia arudar. IPL nung kanga junga asayaba sülen pa India tebur team nungi iba asayamung nung tang mezüingbuba asayatsü imlar. Squad nung Abhishek Sharma, Sanju Samson, Ishan

Kishan, Shivam Dube, Nitish Kumar Reddy, Axar Patel, Washington Sundar, Varun Chakaravathy, Ravi Bishnoi, Harshit Rana, Arshdeep Singh aser Prince Yadav nung densema lir. India team T20Is asaya ya Belfast nung June 26 aser June 28 nü asaya-a tenzüksü aser iba sülen England-i oa July 1 nungi July 11 tashi nung T20I asaya pongu asayatsü.

Wolves-i taoba mapang England team nungi full-back Kieran Trippier alizükogogo aser taoba mapang club nungi asaya aliba striker Raul Jimenez den tenangzüktepba yanglushitsü atema sensaksemendar. Season tembangba den külemi tenangzüktepba yanglur aliba tembangba sülen Trippier-i Newcastle toktsüogo aser Wolves pur den küm ana atema tenangzüktepba ka yangluogo. Arishi küm 35 tain asayar, shiba 2022 küm January ita Atletico Madrid nungi Newcastle nung aden, pa iba club nungi asaya 160 nung asayaogo. International jenjang nunga pa 2017 nungi 2004 küm tsüingda England team nungi 54

Wolves-i Trippier alizükogogo; Jimenez den sensaksemendar



Aami/June 9, 2026 (Agencies): Wolves-i taoba mapang England team nungi full-back Kieran Trippier alizükogogo aser taoba mapang club nungi asaya aliba striker Raul Jimenez den tenangzüktepba yanglushitsü atema sensaksemendar. Season tembangba den külemi tenangzüktepba yanglur aliba tembangba sülen Trippier-i Newcastle toktsüogo aser Wolves pur den küm ana atema tenangzüktepba ka yangluogo. Arishi küm 35 tain asayar, shiba 2022 küm January ita Atletico Madrid nungi Newcastle nung aden, pa iba club nungi asaya 160 nung asayaogo. International jenjang nunga pa 2017 nungi 2004 küm tsüingda England team nungi 54

tatemi parnok club toktsür aotsü aliba asayatem sangdongba nung densema liasü. Osang ajanga ashiba agi, pa Wolves-i tanaben meyipa arutsü atema sensaksem tenzükgogo. Pai 2018 nungi 2023 tsüingda asaya 166 nung asayaba mapang goal 57 idakja liasü. Pai Premier League nung goal 40 idaktsüba sülen pa ya English top flight nung Wolves pur rongnung goal timtiba idaktsüba asayar aküm. Jimenez ya tang World Cup hosts Mexico tenüng nungi asayatsü atema renemdar. Parnok Brehostibarnü South Africa den mezüingbuba asaya asayatsü. Taoba season Premier League nung bonglang nung tembanga Championship-i relegate asüba sülen Wolves pur tang team yanglushitsü merangba mapang ka lir.

BILEMDANGANG
 "Medemer aika aliba dang nungibo akang tembar ka ana ali tajungba."